

my ghelaten **I**ck byn dijne schep-
 pinghe. ick byn dijn beelde daer om
 me o myn god en wil my niet late
 in dat eynde op dat dijn beelde niet
 toe niete en que in my **D**u biste mijn
 god ouermids deelachticht der na-
 turen **D**u biste mijn god ouermids die
 waldaet der verloefinghe en sacri-
 ment dijns hillighen lichams en
 bloedes **D**u biste oeck mijn god ou-
 mids dattu dy seluen my voerbelo-
 uet heueste in een ewich loen want
 tu dan myn god biste **A**lle mildeste
Jesu waer omme heuestu my dan
 ghelaten alsoe dat ick mijn eerste
 onoeselhe^t verloren hebbe **W**aer om-
 me heuestu my ghelaten alsoe dat
 ick bereyder byn totten quede **W**aer
 omme heuestu my ghelaten die een
 gheest byn haestelike gaende i dat
 consent der sunden ende en kiere
 van my seluer niet weder totter